

৭২৩

দশমহাবিদ্যা ।

গীতিকাব্য ।

শ্রীহেমচন্দ্র বন্দ্যোপাধ্যায়

প্রণীত ।

“ Where shall I grasp thee, infinite Nature, where ?

• • • • •
How all things live and work, and ever blending
Weave one vast whole from Being's ample range ! ”

Goethe's Faust.

কলিকাতা ।

শ্রীশিবচন্দ্র বসু কোংকর্তৃক বহুবাজারস্থ ২৪৯নং ভবনে ষ্ট্যান্ডিং প্রিন্ট
বন্দ্রে মুদ্রিত ও প্রকাশিত ।

সন ১২৮৯ সাল,

ইং ১৮৮২ ।

[*All rights reserved.*]

শ্ৰেণীকৃত বিজ্ঞাপন ।



ইহাতে গুটিকত নূতন ছন্দ বিন্যস্ত হইয়াছে । সেগুলি কোনও সংস্কৃত, অথবা প্রচলিত বাঙ্গালা ছন্দের অবিকল অনুকরণ নহে । আপাততঃ দুই একটীকে কোন কোন সংস্কৃতছন্দের অনুরূপ বলিয়া মনে হইতে পারে, কিন্তু প্রকৃত প্রস্তাবে তাহাদের গঠনপ্রণালী এবং লক্ষণ অন্যরূপ ।

সেই সকল ছন্দের অক্ষরযোজনা এবং আবৃত্তির নিয়মসম্বন্ধে এখানে বিশেষ কিছু বলিবার আবশ্যিকতা নাই ; কিন্তু মনোনিবেশ করিলেই তাহা সহজে বুঝা যাইবে । অপিচ, কতিপয় ছন্দের নিম্ন-ভাগে সেবিষয়ে কিছু কিছু আভাস দেওয়া হইয়াছে, এবং ছন্দোবিশেষে দীর্ঘ উচ্চারণের স্থান নির্ণয় জন্য মাত্রার উপরিভাগে গুরুতাজ্ঞাপক (—) এইরূপ চিহ্ন প্রদর্শিত হইয়াছে । তাহাতে অন্য দোষের সংশোধন না হউক, সেই সকল ছন্দের গঠন বুঝিবার এবং পাঠ করিবার সুবিধা হইবে, মনে করিয়াছি ।

ଘୁରୁ ଉଚ୍ଚାରଣମୂଳକ ଛନ୍ଦଘୁଲିସମ୍ବନ୍ଧେ ଏହି କୟଟୀ
 ସ୍କୁଲ କଥା ଘନେ ରାଧା ଆବଶ୍ୟକ,—ସଂସ୍କୃତ ବ୍ୟାକରଣ-
 ନିର୍ଦ୍ଦିଷ୍ଟ ସକଳ ଘୁରୁବର୍ଣ୍ଣେରହି ସର୍ବତ୍ର ଘୁରୁ ଉଚ୍ଚାରଣ ନା
 କରାଯା, କେବଳ ଚିହ୍ନିତ ସ୍ଥାନଘୁଲିତେ ସ୍ଵର ଏବଂ
 ବ୍ୟଞ୍ଜନବର୍ଣ୍ଣେର ଘୁରୁ ଉଚ୍ଚାରଣ କରାଲେହି ଚାଲିବେ । ଚିହ୍ନ-
 ଘୁଲିଓଂ ସେହି ଭାବେ ପ୍ରାୟୋଗ କରା ହୁଅଇଚ୍ଛେ । ସଂଯୁକ୍ତ-
 ବର୍ଣ୍ଣେର ସର୍ବତ୍ର ସ୍ଵାଧୀକ୍ଷ ଉଚ୍ଚାରଣ ହୁଅବେ । ଆର ଏକଟୀ
 ବିଶେଷ ନିୟମ, ଅକାରାନ୍ତ ପଦେର ଅନ୍ତେସ୍ଥିତ ଅକାର,
 (ହସନ୍ତ ଚିହ୍ନ ନା ଥାକିଲେ) ଉଚ୍ଚାରଣ କରାଯା ପାଠ
 କରାତେ ହୁଅବେ । କେବଳ କୟଟୀ ଘୁରୁ ଉଚ୍ଚାରଣମୂଳକ
 ଛନ୍ଦସମ୍ବନ୍ଧେ ଏହି ନିୟମ, ଅନ୍ୟତ୍ର ନହେ ।

ଦଶମହାବିଦ୍ୟା ଲଈୟା ଏହି ଘ୍ରଣ୍ଠ ବିରଚିତ ହୁଅତେ
 ପାଠକଗଣ ଭାବିବେନ ନା, ସେ ତଂସମ୍ବନ୍ଧେ ପୁରାଣାଦିର
 ଆଧ୍ୟାନ, ସକଳ ସ୍ଥାନେ ଠିକ୍ ଠିକ୍ ଅନୁସରଣ କରାଯାଛି ।
 ସନ୍ତତଃ ଆମି କବିତା ରଚନାର ପ୍ରାୟାସ ପାଈୟାଛି,
 ଶାସ୍ତ୍ରିକତା, ଅଥବା ଚାଳିତମତେର ପ୍ରଶୁଦ୍ଧତାର ସୀମାଂସାୟ
 ପ୍ରବୃତ୍ତ ହୁଅ ନାହି ।

ଧିନିରପୁର ।

ଅଗ୍ରହାୟନ । ୧୨୭୯ ମାସ ।



দশমহাবিদ্যা ।

সতীশূন্য কৈলাস ।

দীর্ঘত্রিপদী ।

ছিন্ন হইল সতীদেহ,* শূন্য হৈল শিবগেহ,
বামদেব বিরসবদন ।

চাহেন কৈলাসময়, দেখেন কৈলাস নয়,
অন্ধকার বিঘোর ভুবন ॥

সতীমুখ-বিভাসিত যে আলোক শোভা দিত,
পুলকিত কুসুম-কানন ।

পেয়ে যে কিরণমালা, সুবর্ণ মণি উজালা,
সে আলোক নহে দর্শন ॥

সুদর্শনচক্রে ছিন্ন হইবার পর ।

শুষ্ক কল্পতরু-সারি, শুষ্ক মন্দাকিনী-বারি,
শূন্যকোল সতীসিংহাসন ।

মিস্তক জগত-প্রাণ, নিরুদ্ধ সৌরভদ্রাণ,
কণ্ঠে বন্ধ বিহঙ্গকূজন ॥

নন্দী শুয়ে রেণু'পর, কান্দিছে বৃষভবর,
প্রাণশূন্য মৃগেন্দ্রবাহন ।

হেরিয়া ত্রিপুরহর, দূরে রাখি বাঘাস্বর,
বসিলেন মুদি ত্রিনয়ন ॥

আনন্দ-আলয় যিনি, আজি চিন্তাময় তিনি,
ধ্যানে ধরি সতীদেহ-ছায়া ।

ছুড়ে ফেলি হাড়মাল, করে দলি ভস্মজাল,
বিভূতিবিহীন কৈলা কায়া ॥

মুখে "সতি"—"সতি" স্বর বিনির্গত নিরস্তর,
দিগম্বর বাহুজ্ঞানহীন ।

করে জপমালা চলে, মুখ "বববম্" বলে,
অন্য শব্দ সকলি মলিন ॥

জটালংঘ কণিমালা, মিলাইয়ে জিহ্বাজালা,
• লুকাইল জটার ভিতর ।

নিশ্পন্দ পবনস্বন, নিরানন্দ পুষ্পগণ
অপ্রফট করে রেণু'পর ॥

ধানিল গঙ্গার রব, নির্ঝাক্ প্রমথ সব,
কৈলাস-জগৎ অচেতন।

কদাচিত্ “মা” “মা” নাদে, অনশ্বিত্ নন্দী কাদে,
“বম্” শব্দ সহ সশ্মিলন ॥

কৈলাস-অম্বরময়, তারা সূর্য্য অমুদয়,
ক্ষণকালে নিভিল সকল।

তমঃ-ছন্ন দিগাকাশ, কেবলি করে উল্লাস
নীলকণ্ঠ-কণ্ঠের গরল ॥

ধ্যানমগ্ন ভোলানাথ, স্বক্কে কভু তুলি হাত,
সতীরে করেন অন্বেষণ।

পরশিতে পুনর্কার, সূকুমার তমু তাঁর,
মমতার অভ্যাস যেমন ॥

তখন নয়ন ঝরে, পূর্ক কথা মনে সরে,
সরে যথা নদী-প্রস্রবণ।

বিশ্বনাথ শোকময়, নিমীলিত নেত্রত্রয়
প্রক্ষুটিয়া করেন ক্রন্দন ॥

হারায়ে অর্দ্ধাঙ্গ সতী, কাদেন কৈলাসপতি,
যুগযুগান্তের কথা মনে।

জগতের জড়জীব, কান্দিছেন হেরি শিব,
কান্দিতে লাগিলা তাঁর মনে ॥

মহাদেবের বিলাপ ।

দীর্ঘভঙ্কত্রিপদী* ।

“রে সতি রে সতি,” কান্দিল পশুপতি

পাগল শিব প্রমথেশ ।

যোগ-মগন হর তাপস যতদিন,

ততদিন না ছিল ক্লেশ ॥

শবহৃদি আসন, শ্মশান বিচরণ,

জগত-নিরূপণ জানে ।

ভিক্ষুক বিষধর, তিরপিত অন্তর,

আশ্রমরতি-নিরবাণে ॥

“রে সতি রে সতি,” কান্দিল পশুপতি,

বিকলিত ক্ষুধ পরাণে ।

ভিক্ষুক বিষধর, তিরপিত অন্তর,

আশ্রমরতি-নিরবাণে ॥

* (-) চিহ্নিত বর্ণ দীর্ঘ এবং অকারান্ত পদের অন্তেষ্টিত ‘অ’ উচ্চারিত হইবে ।

জলনিধি-মহনে, অমৃত উছালিল,

যত সুর বাঁটিল তাহে ।

ভস্ম-ভকত হর, হরষিত অন্তর,

গ্রাসিল গরলপ্রবাহে ॥

“রে সতি রে সতি,” কান্দিল পশুপতি,

বিকলিত ক্ষুর পরাণে ।

ভিক্ষুক বিষধর, হরষিত অন্তর,

সংসাররতি-নিরবাণে ॥

কারণবারি'পরে হরি কমলাসন

স্বপ্না করি যেন ক্ষণ হেলে ।

নির্ঘৃণ ত্রিনয়ন, আফ্লাদে মেহ ক্ষণ,

শব'পরি আসন মেলে ॥

প্রীত কমলাপতি রতনবর-পাত্রে,

নরভালে প্রীত গিরীশ ।

পুষ্পকবাহন বাসব সুরপতি,

বৃষবর-বাহন ঈশ ॥

“রে সতি অরে সতি,” কান্দিল পশুপতি,

পাগল শিব প্রমথেশ ।

যোগ-মগন হর তাপস যতদিন,

ততদিন না ছিল ক্লেশ ॥

ভিক্ষুক-আছরক, ঘুচিল অতঃপর,

তবসহ মেলন শেষ ।

জটাধর শঙ্কর, নবসুখ-পাগর,

পরিশেষ সংসারিবেশ ॥

হরষ সুধাসম, হৃদয় উচাটিত,

দম্পতী-পরণয়-বাসে ।

কত সুখে যাপন, অহরহ বৎসর,

দক্ষহিতা ছিল পাশে ॥

যোগ-ধরমপর গৃহস্থ-ধরমে

নিমগন এখন শত্ৰু ।

পান-পিরাসরত সবহি আগম

চারিবেদ-সাগর-অশু ॥

“রে সতি অরে সতি,” কান্দিল পশুপতি,

পাগল প্রমথেশ শম্ভু ॥

কতবিধ খেলন, মূরতি প্রকটন,

ভুলাইতে শঙ্কর ভোগা ।

থাকিবে চিরদিন, ছুদিপটে অঙ্কন,

সে সব বিলম্বিত লীলা ॥

কুশা-কেশিনীরূপে রাজিলা যেহ দিন,

চারি হাতে বাদন ধরি ।

শঙ্খ-ডমরু-বীণা নিনাদনে নাচিলে

ত্রিভুবন-চেতন হরি ॥

দ্রব হ'ল বাসব, দেবী অমর সব,

আদ্রব বিদিক্ষিবেশ ।

বিসরিতে নারিব সেহ দিন কাহিনী,

যে কাল রবে চিতলেশ ॥

“রে সতি অরে সতি,” কান্দিল পশুপতি,

পাগর শিব প্রমথেশ ॥

সেহ যোগ-সাধন কি হেতু শুচাইলি
ভিক্ষুকে বনাইলি ঘরে ।

কি হেতু তেয়াগিলি, কেনই সমাপিলি,
সে সাধ এতদিন পরে ॥

“রে সতি রে সতি,” কান্দিল পশুপতি,
পাগল শিব প্রমথেশ ।

যোগ-মগন হর তাপস যতদিন,
ততদিন না ছিল ক্লেশ ॥



নারদের গান ।

ধীরললিতত্রিপদী ।

আনন্দধ্বনি করি, যুখে বলি হরি হরি,
নারদ ঋষি রত জ্বললিতনটনে ।
প্রবেশিলা হেনকালে, ত্রিতন্ত্রী বাজে তালে,
বিচ্যেত বিভূগানে ত্রিভূখন ভ্রমণে ॥—
“কেবা হেন নতিমান, কে ধরে সেই জ্ঞান,
জানিবে সৃষ্টির জগদীশ মরমে ।
অনন্ত পরমাণু, বিকট বিদ্বাদ্ভানু,
উদ্ভব কোথা হ’তে, কি হইবে চরমে ?
হরহরি ব্রহ্মন্ সচেতন জীবগণ,
আদিতে ছিল কিবা জনমিল কারণে ?
মানস কিরূপ ধন, জড়ই কি বিশেষণ,
জড়সনে সঞ্চারে কিবা বিধিমননে ?
সুখ কি জীবিতমানে ? কিবা অথ নিরীক্ষণ ?
কা হ’তে জনমিল জগতের যাতনা ?
অশুভ সৃজন কার ? নিরমল বিধাতার
মানস হতে কি এ মলিনতা রচনা ?

ক্রিতি অপ তেজ নভ, ভিন্ন কি একি সব ?
 পঞ্চ, কি আদ্ভুত অগণন গণনা ?
 সে তত্ত্ব-নিকূপণ করিবারে কোন জন,
 সমর্থ দেবঋষি মানবের ভাবনা ?
 গাও বীণা হরিশ্চান, ছলিত যেই জ্ঞান,
 নিফল মানি করে পরিহর মানসে ।
 প্রকাশ মন-স্থখে হরিনাম লিখি বৃকে,
 যে জ্ঞানে জীবলোক প্রকটিত হরষে ॥
 অগত কি সুখধাম, মধুর কি বিভূনাম,
 গাওরে প্রেমভরে মনোহর বাদনে !
 ঝঙ্কার ঝঙ্কার, উল্লাসে বল আর,
 আহ্লাদ সদা কিবা সাধুজন-জীবনে !
 ধরম ধরমপর আপন ক্রিয়া কর,
 সংযত করি মন তাঁহাদেরি নিয়মে ।
 মোক্ষদ সার বাণী শুনা রে ভাগ্যে প্রাণী,
 সুস্থরে নাদ করি রঞ্জিয়া পরমে ॥
 ত্রিগুণে যে গুণময় যা হ'তে সমুদয়
 উচ্ছ্বাসে ডাক্ বীণা অবিরত তাঁহারে ।
 দিবানিশি নাহি আন, মগ্ধমে তুলি-তান,
 নারদমনোমত ধ্বনি, বীণা, বাজারে ॥”

নারদের বীণাবাদন ।



ভঙ্গপদী পয়ার* ।

আনন্দগদগদ নারদ মাতিল ।
তন্ত্রী তুলিয়া, তারু মার্জিত করিল ॥
মৃহ মৃহ গুঞ্জন অঙ্গুলি স্ফুরণে ।
সরিৎ প্রবাহিল সুন্দর বাদনে ॥
রুণু রুণু নিকণ কোমলে মিলিয়া ।
ক্রমে গুরু গর্জন সগুমে ছুটিয়া ॥
মিশ্রিত নানাসুরে কভু উতরোল ।
স্বর-সরিতে যেন খেলিছে হিম্মোল ॥
চেতন আজি যেন ঋষিবর হাতে ।
বীণা ভাষিল ধ্বনি মধুর ভাষাতে ॥
রাগরাগিনী যত জাগ্রত হইল ।
রূপ প্রকাশিয়া ত্রিভুবন রাজিল ॥

* হসন্ত চিহ্ন না থাকিলে অকারান্ত পদের অন্তেস্থিত 'অ,' এবং গুরুবর্ণ যথাযথ উচ্চারিত হইবে ।

গ্রহ আদি ভাস্কর ছিল যত ভুবনে ।
 রোখিল নিজগতি সঙ্গীত শ্রবণে ॥
 সুরলোক মোহিত মোহন কুহকে ।
 স্তম্ভিত বীণাশাণি সুরতান্ পুলকে ॥
 কৈলাসতামস বিরহিত নিমিষে ।
 মধুখতু ভাক্তিল মনের হরিষে ॥
 আনন্দে তরুকুল মঞ্জরি হাসিল ।
 আনন্দে তরুডাল বিহঙ্গে সাজিল ॥
 শিবশিবাবাহন বৃষভ কেশরী ।
 চঞ্চল-চিত উঠে হরষেতে শিহরি ॥
 সে ধ্বনি পশিল শিবছদি ভেদিয়া ।
 আগিল পশুপতি ঈষৎ চেতিরা ॥
 “বববম্” শব্দ নিনাদি সদানন্দ ।
 মেলিলা ত্রিলোচন মূহ্ মূহ্ মন্দ ॥
 নিরখিলা নারদে প্রমত্ত বাদনে ।
 বিহ্বল শঙ্কর ভকতের সাধনে ॥
 সাদরে তুষি তাঁরে কাছে দিলা স্থান ।
 ভোর হইলা ভোলা শুনে বীণাগান ॥

শিবনারদসংবাদ ।

লতিকাপদী ।

চেতন পাইয়া চেতনানন্দ
নারদ-সঙ্গীত শ্রবণে ।
ঈষৎ হাসিতে অধর-মণ্ডিত
কহেন সুধীর বচনে ॥—
“অহে ভক্তিমান্ ভ্রান্তিবিলাসে
শিবেরো প্রমাদঘটনা ।
অনাদ্যাক্রুপিণী ভবপ্রসবিনী
সতীরে মানবীভাবনা !
আমারি এ ভ্রম স্নেহেতে যখন
না জানি তখন ভুবনে,
ভালবাসামর জগতনিধিলে
যমবাধা কত জীবনে !
মমতা মারাতে জগতের লীলা
খেলিছে আপনাআপনি ।
মমতা মারাতে সকলি সুন্দর,
পশু পক্ষী নর অবনী ।

জীবনে জীবন এ ডোরবন্ধন,
 যদি না থাকিত জগতে ।
 বিধু বিভাকর সকলি অঁধার
 হইত অসার মরতে ॥
 বুঝে তথ্য স্মার কুহকের হার
 ঝারায়ণ জীবপালনে
 রচেন কৌশলে সোনার শিকলে
 পুরাণী বাঁধিতে বন্ধনে—
 শুন হে নারদ, সে প্রমাদ নাই
 তোমার গভীর বাদনে ।
 চৈতন্যরূপিণী সতীরে আবার
 নিরখিতে পাই নয়নে ॥
 পরমাশ্রুতি পরমাণু-মূল
 কারণকলাপমালিনী ।
 চেতনা ভাবনা মমতা কামনা
 নিখিল অক্ষুরূপিণী ।
 নিরখি আবার লীলাবিলাসিনী
 ব্রহ্মাও জড়য়ে বপুতে ।
 কীড়ারঙ্গে রত প্রমত্ত মহিলা
 নিবিড় রহস্যমধুতে ॥”

বলি বিশ্বনাথ জাহ্নবী-প্রপাত
 জটা হ'তে দিলা খুলিয়া ।
 বববম্ব-ধ্বনি উঠিল তখনি
 কৈলাস-আকাশ পুরিয়া ॥
 হেরি মহাদেবে এ হেন প্রকৃতি
 নারদ চকিত মানসে ।
 জিজ্ঞাসিলা হরে কি মুরতি ধরে'
 দক্ষমুতা এবে নিবসে ॥
 "হে শিব শঙ্কর মম হুঃখ হর
 কৃপাতে কহ গো তনয়ে ।
 দয়াময়ী শিবা প্রকাশিলা দিবা
 উদিয়া কিবা সে আলয়ে ॥
 জননী'র স্নেহ না জানি ভবেশ,
 না পনি কখনও জঠরে ।
 ব্রহ্মার মানসে জনমে নারদ,
 জননী কভু না আদরে ॥
 সে কোভ আমার ছিল না, দেবেশ,
 দাক্ষায়ণীস্নেহ-সুধাতে ।
 জননী পেয়েছি যখনি কেঁদেছি
 প্রাণের পিপাসা কুধাতে !

কহ, ত্রিপুরারি, কোথা গেলে তাঁরি
 দরশন পুনঃ লভিব ।
 সে রাঙা চরণ, মনের মতন,
 সাধনে আবার পূজিব ॥”
 নারদে কাতর হেরি কন হর
 “অধীর হইও না ঋষি ।
 দেখিবে এখনি মহামায়াকায়-
 ছায়া আছে বিশ্বে মিশি ॥
 বিশ্ব-আবরণ হবে নিবারণ,
 দেখিবে এখনি নিমিষে
 বিশ্বরূপধরা বিশ্বরূপহরা
 খেলেন আপন হরিশ্বে ॥
 দেখিবে এখনি অনাদ্যামুরতি
 অপার আনন্দে মাতিয়া ।
 বিদ্যারূপ দশ ভুবন পরশ
 করেছে আকাশ জুড়িয়া ॥
 মহাযোগী যায় দেখিতে না পার
 সে রূপ দেখিবে নয়নে ।
 এই ভবলীলা যেরা বিরচিল
 দেখিবে সে আদি কারণে ॥”

শিবকর্তৃক সৃষ্টি-আচ্ছাদন অপসারিত ।

ত্রিপদী পয়ার* ।

মহাদেব মহাবেশ ক্রগকালে ধরিল ।
 ভীমরূপ ব্যোমকেশ পরকাশ করিল ॥
 বিদারিত রসাতল পদযুগে ঠেকিল ।
 ঘোর ঘটা ভীম জটা আকাশেতে উঠিল ॥
 ছড়াইল জটাজাল দিকে দিকে ছুটিয়া ।
 দীপ্ত যেন তাম্রশলা ভানুকরে ফুটিয়া ॥
 হিমময় ধবলের গিরি যেন উঠেছে ।
 শূন্যপুরী শিরে করি বিশ্বপরে ধরেছে ॥
 মৌলিদেবে কলকল তরঙ্গিনী জাহ্নবী ।
 ঝরিতেছে ঝরঝর শতধারা প্রসবি ॥
 শশিধও ধ্বকধ্বক্ জলিতেছে কপালে ।
 ত্রিনয়নে তিন ভানু জলে যেন সকালে ॥

* প্রত্যেক পংক্তিতে তিন তিন পদ ; প্রথম দুই পদের আট অক্ষরের পর মধ্য যতি, এবং শেষ পদের সর্ব শেষে পূর্ণ যতি । শেষ পদ কিছু ক্রম উচ্চারিত ।

ব্রহ্ম-অণ্ড যেন খণ্ড মেরুদণ্ড পরিয়া ।
 বিশ্বনাথ উর্দ্ধহাত কোতূহলে পূরিয়া ॥
 ওঁকার তিন বার উচ্চারিয়া হরষে ।
 ব্যোমকেশ বিশ্বতনু ধীরে ধীরে পরশে ॥
 শ্বাসরোধ করি ভীম শুধিলেন অচিরে ।
 বিশ্ব-অঙ্গ লুকাইল মহাকাল-শরীরে ॥
 একে একে জগতের আভরণ খসিল ।
 চন্দ্র তারা রশ্মি মেঘ অভ্রসনে ডুবিল ॥
 গিরি নদ পারাবার ছিল যত ভুবনে ।
 অমুদ্রণ অদর্শন মহাদেব-শোষণে ॥
 স্বর্গপুরি রসাতল হিমালয় ছুটিল ।
 ধারাহারা বসুকরা শিব-অঙ্গে মিশিল ॥
 ঘুরে ঘুরে শূন্যপথে বিশ্বকায়া ধায় রে ।
 ঝড়ে ঘেন অরণ্যে পল্লবেতে ছায় রে ॥
 জগতের আবরণ নিবারণ পলকে ।
 দাঁড়াইলা মহাদেব বিভাসিত পলকে ॥
 বিশ্বময় ঘোরতর অন্ধকার ঢাকিল ।
 শিবভালে প্রজ্বলিত হতাশন জ্বলিল ॥

দাঁড়াইলা মহেশ্বর করপুট পাতিয়া ।
 ধরিলেন বিশ্ববীজ পরমাণু তুলিয়া ॥
 গরাসিলা বীজমালা গণ্ডেষেতে শুষিয়া ।
 দাঁড়াইলা মহেশ্বর হৃৎকার ছাড়িয়া ॥
 মহাকাশ পরকাশ বিশ্বশূন্য ভুবনে !
 শূন্যময় ব্যোমগর্ভ নীল অন্তরবরণে !
 অতি স্বচ্ছ পরিষ্কৃত পারদের মণ্ডলী
 ছড়াইয়া আছে যেন দিক্চক্র উজলি !
 ভবদেব বিশ্বকায়া আবরণ খুলিয়া ।
 কহিলেন নারদেরে “ হের দেখ চাহিয়া ॥”
 ব্যোমকেশ রূপ ত্যজি মহাদেব বসিল ।
 মহাঋষি চমকিত পুলকেতে পুরিল ॥

নারদের মহাকাশ দর্শন ।



ক্রতললিত পয়ার* ।

মহাঋষি	নারদ	পুলকিত	হরষে ।
অনিমেঘ	লোচনে	নিরখিছে	অবশে ॥
চক্ররেখাতে	ঘুরি	সারিসারি	সাজিয়া ।
দশদিকে	শোভিছে	দশপুরি	হাসিয়া ॥
পরতেক	মণ্ডলে	মহারূপ	ধারিণী ।
লীলানিরত	সতী	স্বরহর	ভামিনী ॥
চক্রজঠর	ভাগে	নীলবর্ণ	আকাশে ।
শতশত	সুন্দর	ব্যোমরথ	বিকাশে ।
ধেলিছে	কতদিকে	কতমত	ক্রীড়নে ।
দামিনীলতা	যেন	ঘনঘটা	মিলনে ॥
চক্রগতিতে	রেখা	গগনেতে	পড়িছে ।
বক্র	কিরণ ঋতু	কিরণেতে	কাটিছে ॥

* প্রত্যেক পংক্তিতে দুই চরণ ; প্রত্যেক চরণ ক্রত পাঠ্য ।
 (-) চিহ্নিত স্থানে দীর্ঘ উচ্চারণ এবং অকারান্ত শব্দের অন্তেষ্টিত
 'অ' উচ্চারিত হইবে ।

পূর্ণ বর্তুলাকার কভু ডিম্বশোভনা
 সুন্দর নানাগতি নানারেখা চালনা ॥
 রুগু রুগু শুঙ্খন রথগতিস্বননে ।
 কোটি নক্ষত্র যেন বিহারিছে ভ্রমণে ॥
 অনন্ত পথে গতি অনন্ত গণনা ।
 মঞ্জুল মনোহর বোম্বয়ান খেলনা ॥
 নিরখিলা নারদ বিকলিত মানসে ।
 অন্য সুরষ তারা সে গগন পরশে ॥
 কিবা আলো উজ্জল সেহ দশ ভুবনে ।
 নরলোকে সে আলো নাহি জানে স্বপনে ॥
 দিনমণি হেথা যায় সেথা তায় রজনী ।
 রাজিছে দশপুরি নিন্দিয়া অবনী ॥
 পরাগী কতই খেলে দশপুরি ভিতরে ।
 মধুর কতই ধ্বনি জীবকণ্ঠে বিহরে ॥
 বায়ুপথে শিজ্জিত প্রাণিগণ-ভাষাতে ।
 ভাসিত তারা শশী মধুকণ্ঠধারাতে ॥

নারদ ঋষিবর শঙ্করে কহিলা ।
 “হে শিব, দাসামুখে কৃপা যদি করিলা ॥
 বাসনা মম, দেব, কাছে গিয়া নেহারি ।
 মোহন মায়া ইহ কে বা আছে বিথারি ॥
 মূহু হাসি রঞ্জিল মহাদেব বদনে ।
 বিচলিত কৈলাস মূহু মূহু চলনে ॥
 ধীরমূহুগতি কৈলাস চলিল ।
 মধ্য গগনভাগে শিবপুরি বসিল ॥
 দশদিকে সুন্দর দশপুরি রাজিত ।
 কেন্দ্র নিমজ্জিত কৈলাস থাপিত ॥
 দেখিল ঋষিবর অনিমেষে নয়নে ।
 মূরতি অপরূপ সেই দশভুবনে ॥

মহাশূন্যে দশত্রিকাণ্ডের স্থান নির্দেশ ।

দীর্ঘ ললিত্রিপদী ।

নিরখে নারদ ঋষি কহই আনন্দে রে
নবীন ভুবন এক প্রভাঙ্গলে জড়িত !
রজনীতে তারকার যেখানে গগনগায়
সিংহের আকার ধরি রাশিচক্রে ফিরিত ;
সেইখানে মনোহর, অভিনব শোভাধর,
নবীন ভুবন এক প্রভাঙ্গলে জড়িত !—

বিশাল জগতীভল সে গগনে ভাসিছে ।
কালক্রপিনী কালী সে ভুবনে হাসিছে ॥

২

নিরখে নারদ ঋষি আনন্দে বিভোর রে !
উদয় গগনগায় ষটিকত তারকার
মানবকন্যার রূপে যেইখানে থাকিত,
সে ভুবন বামদেশে ত্রিকাণ্ড নবীন বেশে
উদয় হয়েছে শূন্যে দিক্চক্রে শোভিত !—

কন্যারাশি-কোলে এবে ভবশোভা শোভিছে ।
তারাক্রপিনী বামা সে ভুবন শাসিছে ॥

৩

নেহারি নারদ ঋষি কুতূহলে মাতিল !
 মনোহর নভ-পটে আকাশের সেই তটে
 আগে যেথা ধনুকপে তারারাজি আছিল,
 সেইখানে মহাঋষি কুতূহলে দেখিল !—
 ভীম ব্রহ্মাণ্ডকায়ী এবে সেথা ভাসিছে ।
 ষোড়শী রূপে বামা সে ভুবনে হাসিছে ॥

৪

পুলকিত মহাঋষি পুনঃ হেরে প্রমোদে !
 বারিকুস্ত কাঁখে করি যেখানে গগনোপরি
 তারকারূপিণী যত সখীগণে খেলিত ;
 সেখানে সে রাশি নাই, ঘেরেছে তাহার ঠাই
 নিখিল ব্রহ্মাণ্ড এক কিরণেতে ভাসিত !—
 অপরূপ প্রভাময় বিশ্ব সেথা ফুটেছে ।
 বামা ভুবনেখরী-রূপ তাহে সেজেছে ॥

৫

নেহারে নিকটে তার নারদ উন্মনা রে
 বিচিত্র জগতকায়ী, অমস্ত ধরেছে ছায়া,
 ফুটেছে অনস্ত শোভা, কিবা তার তুলনা,
 নেহারে স্তিমিত হরে, নারদ উন্মনা !—
 রাশি-চক্রেতে যেন মকর ভাসিত ।
 ভীমা ভৈরবী বিশ্ব সেখানে উদ্ভিত ।

৬

মহাঋষি নিরখিল উচাটিত পরাণে—
সুদূর গগনকোলে বিপুল ব্রহ্মাণ্ড দোলে,
মহাকায় বিথারিয়া সেইমত বিধানে।
মহাঋষি নেহারিল উচাটিত পরাণে !—

মিথুন ডুবেছে শূন্যে সে ভুবন-ছায়াতে ।
জগৎ হুলিছে বেগে ছিন্নমস্তা-মায়াতে ॥

৭

স্তম্বিত মহাঋষি মহামায়ানটনে !
নিরখে ভুবন আর, ঘোরতর রূপ তার,
তারার কর্কটশোভা ছিল যেথা গগনে,
সেখানে সে রাশি নাই মহামায়ানটনে !—

সেহ ঠাই এক্ষণ সেহ রাশি ডুবেছে ।
ধূমাবতী-রূপিণী সে ভুবনে বসেছে ॥

৮

মহামুনি নিরখিলা সে ভুবন-পারশে,
নেহারিতে মনোহর, সে মহা গগন'পর,
সুন্দর শোভায়ুত মণ্ডল ঝলসে,
মহামুনি নিরখিলা সে ভুবন-পারশে !—

রাশি-চক্রেতে বৃষ যেই খানে থাকিত।
ভীমা বগলাবিশ্ব এবে সেথা উদিত ॥

৯

বিমোহিত অন্তরে মহাঋষি নেহারে,
 বিপুল ব্রহ্মাণ্ডকায়ী কাছে তার বিহারে !
 কিবা মনোহর বেশ ধরেছে গগনদেশ,
 মহাশূন্য বিভাসিত সে ভুবন আকারে !
 মহাঋষি নিরখিলা বিমোহিত অন্তরে ॥—

মাতঙ্গী-ভুবন এবে সে আকাশে ফুটেছে ।
 মীনরাশি মজ্জিত কোন্ খানে ডুবেছে !

১০

নারদ নিরখিলা ঘন ঘন নয়নে
 মণ্ডিত-কির-থির মঞ্জুল গগনে!—
 নিরখিলা নারদ, কোতুকে গদগদ,
 রমপুরী রঞ্জিত সুন্দর বরণে,
 নারদ নিরখিলা ঘন ঘন নয়নে!—
 শ্বেত বারণ বারি চারি কুস্ত্রে ঢালিছে ।
 কমলাস্ত্রিকাবিশ্ব মহাশূন্যে শোভিছে ॥

শিবনারদবার্তা ।

ললিতপয়ার ।

নারদ ।—নারদ কাতর হেরি আদ্যাশক্তি-রক্ষিমা ।
 শিবে ক'ন্, একি দেব, কিবা দেখি মহিমা ॥
 তত্ত্বচিন্তা করি ফিরি ভবপুরী ভিতরে ।
 না দেখিনু হেনরূপ কোনও ঠাই বিহরে ॥
 একি মায়া মহামায়া 'জড়াইলা জগতে ।
 এ দশ ভুবন মাঝে লহ, দেব, ভকতে ॥
 কুহুহনে বিকলিত পরাণ উতলা ।
 হেরিব নিকটে গিয়া অনাদ্যা মঙ্গলা ॥

শিব ।—শুনি শিব ক'ন্, ঋনি, নিকটে না যাও রে ।
 কৌতুক-বিলাস-বেগ এখানে ছুড়াও রে ॥
 বুদ্ধিতে নিগূঢ় তত্ত্ব শিব বার্থ বাসনা ।
 সে রহস্ত বুদ্ধিবান্নে কেন চিন্তে কামনা ॥
 নারিবে হেরিতে সর্ব হেরিবে যা সেখানে ।
 মনোব্যথা পাবে বৃথা ও ভুবন সন্ধানে ॥
 ভয়ংকরী মায়ালীলা অসহ সে সহনে ।
 বিধি বিষ্ণু পরাজিত নাহি সহে কল্পনে ॥
 সে রহস্ত নিরখিতে নিকটে না যাও ।
 এখানে বা পাও তাহে বাসনা মিটাও ॥

নারদ ।—পাব না কি সতীনাথ, সংস্করণ হেরিতে ?
 ভক্তিমালা পায়ৈ দিয়ৈ জগদম্বা পূজিতে ?
 হে হর শঙ্কর, পূরিল না বাসনা ।
 নারদের বৃথা জন্ম বৃথা ধর্ম-যাপনা !

শিব ।—হবে না হবে না, ঋষি, বৃথা তব সাধনা ।
 ভক্তে কি রে ভক্তাধীন পারে দিতে বেদনা ?
 ভবকেন্দ্র এই স্থান জানিও রে গয়ানী ।
 দিবাসক্র্যা এই খানে সদা প্রাণি-মেলানি ॥
 মহাবিদ্যা-দশপুরী না করি' প্রবেশ ।
 জগতের জটিলতা বুঝ বিশেষ ॥

ললিত দীর্ঘত্রিপদী ।

নারদে আনন্দ তায়, দেখিল গগনগায়
 আকাশ উজল করি প্রাণিগণ চলেছে ।
 বসন - ভূষণ - ছাঁদে মানব-নয়ন ধাঁধে,
 বরণে অঙ্গের আভা জ্যোৎস্না যেন ধরেছে!—
 আকাশ উজল করি প্রাণিগণ চলেছে ॥
 পবনে উড়িছে বাসু, কঠোর মধুর ভাসু,
 কঠোর মধুর রসে রসনাতে ভরেছে,
 হৃদয়-দর্পণ-ছায়া বদনেতে পড়েছে!—
 আকাশ উজল করি প্রাণিগণ চলেছে ॥

নানা বন্ধে বাঁধা চুল্, যেন বা শিরীষ ফুল্,
 কিরণে কাহারও কেশ বিধারিয়া পড়েছে ॥
 বিবিধ বরণ প্রাণী শূন্যপথে চলেছে !
 তার মাঝে অগণন নিরখিলা তপোধন
 বিমানেন্তে প্রাণিগণ বারুপথে চলেছে,
 হৃদয়দর্পণছায়া বদনেতে ফুটেছে ॥
 প্রতি জনে জনে তার ছাঁদে ছাঁদে গুরুভার,
 নানাপাশ নানাকাঁশে গলদেশে পরেছে ।
 বিবিধ শৃঙ্খলহার করপদ বেঁধেছে—
 কত প্রাণী হেনরূপে বারুপথে চলেছে !

নারদ ।—ঋষি ক'ন্ মহাদেব, একি দেখি যোজন্য ।
 কারা এরা, কহ হেন, সহে এত যাতনা ॥
 এরূপে শৃঙ্খলে বাঁধা, কে ইহারা কহ গো ।
 ভবনাথ, তব দাসে ভবঘোরে রাখ গো ॥

শিব ।—জ্ঞানময় যত জীব সদানন্দ কন্ ।
 সকল হইতে দুঃখী এই প্রাণিগণ ॥
 মাটির শরীরে ধরে দেবের বাসনা ।
 মিটে না মনের সাধ হৃদয়ে বেদনা !
 আধ্ভাঙা সাধ যত পরাণে ক্ষড়ায় ।
 অশুখে কতই দুখে জীবনে খেয়াল !

দেবতুল্য বাসনায় উর্দ্ধদিকে গতি ।
 পশুতুল্য পিপাসায় সদা দগ্ধমতি!—
 মানবের নাম এরা জীবলোকে ধরে রে,
 অসুখী পরাণী যত জগতী-ভিতরে রে!

নারদ।—দয়াময়! হর তবে সেই সব বন্ধনী ।
 মানবের পীড়া যায় সদা দিবারজনী ॥
 হর তবে তাহাদের দেহরূপ পিঞ্জরে,
 মন-শিখা বাঁধা যাছে ধরা হেন বিবরে !
 ফেল তবে ষড় রিপু- রজ্জুমাল ছিঁড়িয়া ।
 আশানল লহ, দেব, হৃদি হ'তে তুলিয়া ॥
 হর তবে অন্ধকার জীবনের যামিনী,
 হর গো কুহকজাল আলো কর অবনী !
 মানবের চিত্তমাঝে হেমময় মন্দিরে
 স্ফটিকের মূর্তি যত চূর্ণ হয় অচিরে,
 নিবার কালেরে, দেব, ভাস্কিতে সে সব—
 ধরাতে তবে গো সুখী হইবে মানব ॥

শিব।—শিব কন্ হের ঋষি অই সব ভুবনে ।
 যেখানে খুলে রে জীব জীবদেহ-বন্ধনে ॥
 মহাবিদ্যা দশপুরি হের অই আকাশে ।
 আদ্যাশক্তি রূপে সতী লীলা যাছে প্রকাশে ॥

নারদের মহাকালীর ব্রহ্মাণ্ড দর্শন।

লঘুললিতত্রিপদী।

শিব-বাক্যে ঋষি নারদ তখন

হেরিলা অনন্তদেশ।

হেরিলা গগনে সে দশ ভুবন,

অপূর্ক নবীন বেশ!—

যুড়ি দশদিক্ জলে দশপুরি,

অদভূত আভা তায়।

অনন্ত উজল সে আলো ছটাতে

অনল নিবিয়া যায়!

দেবঋষিবর আদ্যাশক্তিলীলা

দেখিতে তুলিলা ঐগি।

পলক না পড়ে স্থির নেত্রতারা

ক্ৰণমাত্র শূন্যে দেখি ॥

বিশ্ব অক্ষকার দেখে তপোধন,

দৃষ্টিহারা চকু দহে।

দুরন্ত কিরণে কাতর নারদ,

অন্ধের সাতনা সহে।

বুঝি মহেশ্বর ইঞ্জিতে তখন,
ললাট বিষ্কার করি ।

সে বিষম তেজ রাখিলেন নিজ
ললাটলোচনে ধরি ॥

নিস্তেজ যখন, সে ঘোর কিরণ,
নারদে কহেন হর ।

“অই দেখ ঋষি অনাদিভুবনে
শক্তিলীলা নিরন্তর ॥”

অভয় হৃদয়ে হেরিলা নারদ
শিববরে চক্ষু লভি ।

দেখিলা শূন্যতে হুলিছে সঘনে
ভীষণ ব্রহ্মাণ্ডচ্ছবি ॥

তাম্রবর্ণ যথা দিবাকর-কারা
ডুবিলে রাহুর গ্রাসে ।

দেখিতে তেমতি সে ভীম ব্রহ্মাণ্ড
অন্ধে আভা পরকাশে ॥

রুধিরের ধারা চারি ধারে বহে,
বসুধারা যেন ধায় ।

সে ঘোর জগৎ জীবে নিরখিলে
হৃদয় শুধায়ে যার ॥

বহিছে উচ্ছ্বাস, সে জগত পুরি,
অম্বর বিদার করি ।

প্রলয়ের ঝড় বহে যেন দূরে
অরণ্য নিশ্বাসে ভরি !

কিন্মা যেন হয় লক্ষ তূর্ণানাদ
পুরিয়া শোকের তানে - -

তেমতি প্রচণ্ড দারুণ উচ্ছ্বাস
নিনাদে ঋষির কাণে !

দয়াময় ঋষি নিদারুণ ধ্বনি
শ্রবণে বিষাদ প্রাণে ।

মূর্ছাগত হয়ে পড়ে শিবপদে
জীববৃন্দ-শোকগানে !

চেতন পাইয়া চেতন-আনন্দ
শিববরে পুনর্জার ।

নয়নে গলিত দর অশ্রুধারা,
হৃদয়ে বেদনাভার ॥

নিরানন্দ চিত্তে সদানন্দ ঋষি
কহেন কাতর মন ।

"হে শিবশঙ্কর জীবে দয়া কর
নিবার ভবক্রন্দন ॥

জীবদেহ ধরি জীবের ক্রন্দনে
 হৃদয়ে বেদনা পাই ।
 না কাঁদে পরাণী ত্রিলোক ভিতরে
 নাহি কি এমন ঠাই ?
 তুমি আশুতোষ, তব ভক্ত আমি,
 গৃহ তত্ত্ব নাহি জানি ।
 জীবহুঃখে, দেব, রোগ কিস্বা শোকে,
 নিয়ত কাঁদে পরাণী ।
 নারদের ঠাই ত্রিভুবনে তাই
 কোনও খানে নাহি মিলে ।
 বেড়াই ঘুরিয়া ত্রৈলোক্য যুড়িয়া
 বিভূনাম করি নিখিলে ॥
 জননী আমার মতী শুভঙ্করী
 তুমি, দেব, পিতামহ ।
 তবু কি কারণ এ দীন পরাণে
 এক্ষণে আঘাতে যম !”
 শুনিয়া কাতর দেব-ঋষীশ্বর
 মহেশ্বর ক’ন্ বালী ।—
 “শুন তপোধন না কাঁদে পরাণে
 নাহিক এমন প্রাণী ।

কিবা দেব, নর, ব্রহ্মাণ্ড ভিতর,
জীবদেহ ধরে যেই ।

যমের তাড়না, রিপূর যাতনা,
হৃদয়ে ধরে রে সেই ।

জীবের জীবনে সে দৃঢ় বন্ধন
দেখিতে বাসনা যার ।

হৃদয়-বেদন!, সমূহ যাতনা,
পর্যাণে জাগিবে তার ॥

আত্মশক্তিবলে, যে নিয়ম চলে,
অনাদি বাহার মূল,

নিরখিবে যদি হের দশরূপ,
ভবার্গবে পাবে কুল ॥



মহাকালীর বুদ্ধাণ্ড ।



লঘুভঙ্গপয়ার ।

মহাশ্বসি নিরখিলা কালিকার জগতী,
 মহাশূন্যে ঘুরিতেছে ভয়ঙ্কর মুরতি ॥
 দলমল্ টলটল্ আপনার ভ্রমণে !
 তুলে যেন চক্রনেমি অতিক্রম গমনে ॥
 হেন বেগে বিশ্ব ঘুরে নাহি ধরে কল্পনা ।
 ধূমকেতু ভীমগতি নহে তার তুলনা ॥
 আপনার বেগে স্থির মেরুদণ্ড উপরি ।
 স্রোতরূপে খেলে তাহে বেগধারা-লহরী ॥
 সচেতন অচেতন যত আছে নিখিলে ।
 কুমি-কীট প্রাণিকায়ী জনমে সে কল্লোলে ॥
 বিশ্বরূপ প্রাণী জড়্ জন্মে যত সেখানে ।
 ঘোররূপা মহাকালী গ্রাসে মুখব্যাদানে ॥
 অঙ্গ হতে বেগে পুনঃ বেগধারা বিহারে ।
 করালবদনা কালী নৃত্য করে ছঙ্কারে ॥
 ঘুরে ঘুরে শূন্যদেশে বিশ্বকারী ফিরিল ।
 বিভীষণ চিত্র এক নেত্রপথে ধরিল ॥—

অন্তহীন হিমরাশি হিমালয় আকারে,
 ধবলের চূড়া যেন ধূধু করে তুষারে !
 নিরখিলা মহাশ্বাষি বিধারিত নয়নে ।
 প্রলয়ের ঘোর বহ্নি হিম দহে দহনে ॥
 খণ্ড হয়ে হিমরাশি চণ্ডমূর্তি ধরিয়া,
 ভীম শব্দে পড়িতেছে মহাশূন্যে খসিয়া ।
 ব্রহ্মাণ্ডের লয় যেন কালাস্তুর নিনাদে ।
 বিশ্বকেন্দ্রে বিশ্বনাথ- পুরী কাঁপে শব্দে ॥
 প্রতিধ্বনি ঘনঘোর মহাকাশে ছুটিল ।
 দশ দিকে দশ বিশ্ব ঘন ঘন ছুলিল ॥

দ্রুত ঘনপদীচ্ছন্দ* ।

নারদ ঋষিবর কম্পিত থরথর
 বিশ্ব-বিদারণ ছকার অবগে ।
 মানস বিচলিত নেত্র বিকাশিত
 সংযত শ্রুতিপথ নিরখিলা গগনে ॥
 নিরখিলা অক্ষরে অন্য মুরতি ধরে
 চণ্ডিকা-মহাপুরী পুনরপি কিরিল ।
 পুনরপি হুঃসহ দৃশ্য ভয়াবহ
 শক্তি-কেনিক্রম প্রকটিত করিল ॥

* (-) এইরূপ চিহ্নিত স্থানে দীর্ঘ উচ্চারণ, এবং পদের অন্তে-
 হিত 'অ' স্পষ্ট উচ্চারিত হইবে ।

দেখিল শ্রোতময়, খেলিছে বীচিচয়,

শোণিত অর্ণব কলকল ডাকিছে ।

শুক্তি শমুক শাঁখ মুখব্যাদান ফাঁক্

রক্তজলধিদেহ লেহি লেহি চলিছে ॥

পন্নগ সুভীষণ ফটা-প্রসারণ

উৎকট-গর্জন তরঙ্গে ছুলিছে ।

কূর্ম কমঠীকট উন্মিতে লটপট

লোহিতভ্রমাতুর সংপুট খুলিছে ॥

শ্বাপদ ছদি কুর শাদিল কুকুর

লোলরমনা তুলি মিকুতে ভাসিছে ।

উদ্ভিজগনও তাহে স্বদেহ অবগাহে

রক্ত-পিপাসু হয়ে শোণিত শুধিছে ॥

অ-চিন্ত্য লীলা সেহ, না বুঝে মানব কেহ,

আদ্যা প্রকৃতিরূপ সে জগতে ছুটিছে ।

‘সংহার’—‘সংহার’ ভিন্ন নাহিক আর,

রক্ষিতে নিজ নিজ এ উহারে গ্রাসিছে ॥

ললিত পয়ার ।

নারদ ।—দয়াদ্রুচিত ঋষি মহাদেবে কহিলা ।—

“একি দেব ঈশ্বর, মা আমার মহিলা ॥
 উৎকট ইহ লীলা তাঁহারে কি সম্ভবে ?
 সতী কি অশিব, শিব, আছিলেন এ ভবে ?
 জীব দুঃখ তবে কিগো অনাদ্যারি রচনা ?
 অদম্য তবে কি, দেব, পরাণীর খাতনা ?
 জগৎ-সৃজন লীলা দুঃখ দিতে প্রাণীরে !
 না জানি কি ধর্ম তবে ধর দেবশরীরে !
 এ চণ্ড বিদ্যৎ-ছাতি কেন দিলে পরাণে,
 কাঁদাইছ জীবলোক মায়াডোর বন্ধনে ?
 তত্ত্বাতত্ত্ব নাহি বুঝি তব ভুল, ঈশ্বর,
 না বুঝি তোমার, দেব, কি কঠোর অস্তুর ॥
 ভুলগণে দিলে কেশ নিজে কর ভঙ্গিমা ।
 না জানি জগৎবন্ধু, একি তব মহিমা !”

শিব ।—স্বরহর শঙ্কর কহিলেন নারদে ।—

“সর্বদুঃখ দমনীর মুক্তি আছে বিপদে ॥
 জানিবি রে নিরখিবি যবে অন্য ভুবনে ।
 বিরাজিতা সতী সাহে জীবদুঃখ হরণে ॥”

ললিত ত্রিপদী ।

হেনকালে সুবিচল মহাশয় নিরখিল

কালরূপিণী চণ্ডী কালিকার ভুবনে—

বিখণ্ডিত নরদেহ পাড়ে পচা শব সহ,

কুধিরে মুসলধারা, ধারা যেন শ্রাবণে !

জনমিছে পুনু তার পশু পক্ষী নরকার,

সংগ্রামে পুনরায় এ উহারে বসিছে ।

জীবন ধারণ হেতু ভবের কলঙ্কেতু

কাহারও নামিকা নাই, কারও মুণ্ড কুলিছে !

কেহ নিজ মুণ্ড কাটে, জীরে পুনু রক্ত চাটে,

শাঁকিনীরূপিণী ঘোরা কালিকারে ঘেরিয়া ।

অস্থি ঝরিছে অঙ্গে, মাংস ঝরিছে সঙ্গে,

কঁাদে জীব উচ্চ নাদে তারা নাম ডাকিয়া ॥

কালীর সঙ্গিনী সঙ্গে ছুটিছে তাদের সঙ্গে

খিলি খিলি হাসি মুখে, কি বিকট ভঙ্গিমা !

মুখে মুণ্ড চিবাইয়া করে করতালি দিয়া,

ডাকিনী ধাইছে কত—স্বকণী রক্তমা !

জগতে যতেক মন্দ চলেছে ডাকিনীবৃন্দ,
 ললাটের ঘোর ছটা উৎকট ছুটিছে,
 রুধিরবদনা বামা ত্রিনয়না ঘোর শ্যামা,
 বহ্নি বরুণ বায়ু সঙ্ঘে নঙ্ঘে ঘুরিছে ;
 জড়্ প্রকৃতির ছলে শবদেহ পদতলে—
 নৃমুণ্ডমালিনী কালী হুহুকারি নাচিছে ।
 সংহার নিক্রপণ রদনেতে বিদারণ
 শিশুকর কড়মড়ি চর্কণে গিলিছে !



লভিকাপদী ।

নারদ ।—সদানন্দ ঋষি নিরানন্দ মন

কহেন তখন শঙ্করে ।

দেব আশুতোষ, নিবার এলীলা,

বাধা বড় বাজে অন্তরে ॥

এ ঘোর রহস্য পারি না সহিতে,

দেখাও আমারে জননী ।

যিনি সতীরূপে সংসারপালিকা

সর্বজীব-দুঃখ-হারিণী ॥

শিব ।—না হও নিরাশ, অরে ভক্তিমান্,

ভূতেশ কহেন নারদে ।

দুঃখেরি কারণ নহে জীবলীলা,

মোচন আছেরে আপদে ॥

কলামাত্র তার হেরিলা নয়নে,

অনাদ্যার আদিজগতে ।

পূর্ণ সুখ ইহ জগতভাগারে,

দেখিতে পাবিরে পশ্চাতে ॥

অছেদ্য বন্ধনে বাধা দশপুরী,

ক্রমে জীব পূর্ণকামনা ।

শোক দুঃখ তাপ সকলি দমন,

এমনি বিধানে যোজনা ॥

পর পর পর এ দশ জগতে
 জীবের উন্নতি কেবলি ।
 অনন্ত অসীম কাল আছে আগে,
 অনন্ত জীবিতমণ্ডলী ॥

নারদ ।—শুনিয়া নারদ কহিলা শঙ্করে,
 নারিব হেরিতে নয়নে ।
 প্রচণ্ড প্রভাব আদ্যাশক্তিগীলা
 নিগূঢ় ও সব ভুবনে ॥
 কহ ক্ষেমকর, দাসে ক্ষমা করি,
 বচনে ছুড়িয়ে পরাণী ।
 কোন্ বিশ্ব মান্নে কিবা রূপ ধরি
 ক্রীড়াতে নিরতা ভবানী ॥

শিব ।—দেব আশুতোষ কহিলা ঋষিরে
 অম্বরে দেবরে নেহারি ।
 পরে পরে পরে জগতীমণ্ডল
 রয়েছে গগনে বিথারি ॥
 ভিন্ন ভিন্ন রূপ ধরি শক্তিরূপা
 জীবের নিস্তার কারণে ।
 হের ঋষি অই তারার ভুবন
 উজলিছে কিবা গগনে ॥

(২) তারামূর্তি ।



ধীর ঘনপদীচ্ছন্দ ।

ভীমা লম্বোদরা ব্যাঘ্র-চন্ম পরা

থর্ক আকৃতিবামা নৃমুণ্ডমালিনী ।

জটা বিভূষণা পিঙ্গল-বরণা—

জটাগ্রে উন্নত পন্নগধারিণী ॥

খড়া কর্তরী করে কপাল্ উৎপল ধরে,

রক্তিম রবিচ্ছবি দৃশ্য ত্রিনয়নে ।

জ্বলন্ত চিতামাঝে পদ্যে দ্বিপদ সাজে,

লোল-রসনা বামা ঘোর হাসি বদনে ॥—

জ্ঞানের অক্ষুর ধরি জীবহৃদয় ভরি

বিরাজেন শঙ্করী সতী অই ভুবনে ॥



(৩) ষোড়শী ।



নেহার তাঁর পাশে কি জ্যোতি দেহে ভাসে,
 শ্বেতবরণবামা পূর্ণকলা কামিনী ।
 প্রেমসঞ্চারি হৃদে জীবগণে ডোরে বেঁধে
 ত্রৈখানে রাজিছে ষোড়শী-রূপিনী ॥

(৪) ভুবনেশ্বরী ।



তা জিনি সুন্দর উন্নত শোভাধর
 ভুবনেশ্বরী ঋষি, হের তাঁর নিকটে ।
 পীনস্তনী বামা প্রকৃতা ত্রিনয়না
 প্রভাত-আভা দেহে, তন্দু ভাতি কিরীটে ॥
 অক্ষুণ্ণভয়বর পাশ সজ্জিত কর
 সর্ক-মঙ্গলা সতী জীব-তৃপ্ত বিনাশে ।
 সদা সুহাসিতুতা ত্রৈখানে বিরাজিতা—
 মেহ জাগায়ে ভবে সতী নম বিকাশে ॥

(৫) ভৈরবীমূর্তি ।



ভার উপর আর নেহার ঋষিবর

কিবা শোভা সুন্দর ভৈরবী ভুবনে ।

মাল্যে সুশোভিত মস্তক বিভূষিত,

রক্ত লেপিত স্তন, বৃত্তা রক্তবসনে ॥

জ্ঞান-অভয়-দাত্রী জীব-উদ্ধার-কর্ত্রী—

সহস্র মিহির তুল্য শোভা দেহে-ধারিণী ।

রত্ন কিরীটময় চন্দ্র উদয় হয়

ভক্তি বিধায়িনী ভৈরবী-রূপিণী ॥



(৬) মাতঙ্গীমূর্তি ।



সুচারু মন-হর হের নিকটে তার

অনু ভুবন কিবা দোহলা গগনে—

বীণা বাজিছে করে বাদনে থরে থরে

কুস্তল দলমল সুন্দর বদনে ॥

কলহংস শোভা সম শ্বেত মালা নিকুপম,

শ্যামাস্ত্রী শঙ্খের বালা দুই করে পরেছে ।

প্রীতি তুলি ভবতলে মর্দ-জীব দুঃখ দলে

মাতঙ্গীরূপ সতী পদদলে বসেছে ॥



(৭) ধূমাবতী।



কাছে তার দলমল যে ভুবন উজ্জল

আরও স্ননির্মল জিনি অগ্নি ভুবনে।—

দীর্ঘা, বিরলরদ, শুভ্রবরণ চ্ছদ,

কুটিলনয়না বামা ধূমাবতী ধরণে ॥

লম্বিত-পয়োধরা ক্ষুৎ পিপাসাতুরা

বিমুক্তকেশী বামা জীব দুঃখ বিনাশে।

শ্রম-ক্লান্ত-প্রাণিক্লেশ যুচাইতে রুম্ব বেষ

বিধবার রূপে নিত্য সতী হোথা বিকাশে।

বিবর্না, অতি চকলা হস্তে স্থাপিত কুলা,

রথোধ্বজোপরি কাকচিহ্ন প্রকাশে ॥



(৮।৯) বগলা ও ছিন্নমস্তা ।



জীব নিস্তারে সতী ঐ হের চিস্তাবতী
দারিদ্র্যদলনীকূপ বগলার শরীরে ।
হের আর উর্দ্ধদেশে মদনোন্নতীর বেশে
ছিন্নমস্তা ভয়ঙ্করী স্নাত নিজ কুধিরে ॥
বিকট উৎকট ফুর্তি বিপরীতরতিমূর্তি
জগতের সর্বপাপ নিজ অঙ্গে ধরিয়া ।
আপনার ঘৃণাকর কামবেশ ঘোরতর
বিখময় দেখাইছে নিজ রক্ত গুধিয়া ॥



(১০) মহালক্ষ্মী ।

নেহার তাঁরপরি, শোভে কমলার পুরী,
 রোগ শোক তাপ হরি, জীবিতের জীবনে ।
 কিবা বৈশ স্মোহন, লীলাঙ্গমে নিমগন,
 পরমাপ্রকৃতি সতী সর্ব শেষ ভুবনে ॥
 স্বর্ণবরণোত্তম, কটিতে পিঙ্কন ফোম,
 স্বর্ণ ঘটে চারি করী শিরে নীর ঢালিছে ।
 পদ্মাসনা, করে পদ্ম, সতী সর্ব সুখসদ্য,
 দয়াতে ডুবায়ৈ'ভব জীব হুঃখ হরিছে ॥

ললিত দীর্ঘত্রিপদী ।

আনন্দে হৃদয় ভরি, দেবঋষি বীণা ধরি,

তারে তার মিলাইয়া ঝঙ্কার তুলিল ।

নিবিড় রহস্যসুধা পানে জুড়াইয়ে ক্ষুধা,

মধুর সঙ্গীতশ্রোতে মহাঋষি ডুবিল ॥

ছুটিল বীণার স্বর, ছুটে যেন নির্ঝর,

হৃদয় প্লাবন করি সুগভীর বাদনে ।

“প্রকৃতির আদি লীলা ভবে কেবা নিরখিলা ?”—

মহাঋষি গাইলেন বিকলিত বচনে ॥

“জগৎ অশুভ নয়, কালেতে হইবে লর

জীবহুঃখ সমুদয় ত্রিগুণার উজনে ।

এই কথা বুঝে সার আনন্দে নিনাদ তার

সত্যপথে রাখি মন অনাদ্যার স্বরণে ॥

গিথি বুকে মোক্ষ নাম পুরা, জীব, মনস্কাম,

“নিখিল নিস্তার পাবে,” শিব কৈলা আপনি ।

লক্ষ্য করি তারি পথ চালা নিত্য মনোরথ


জীবজন্মে ভয় কিরে ?—জগদম্বা জননী !

ডাক্ বীণা উচ্চৈঃস্বরে ডাক্‌রে আনন্দভরে
 নারদ ভুলে না যেন সে তত্ত্ব এ জীবনে ।
 সকলের মূলাধার সকল মঙ্গলসার,
 নারদের চিত্ত যেন থাকে সেই চরণে ॥
 জড় জীব দেহ মন যা হইতে প্রকটণ,
 অক্ষুণ্ণ সেইরূপ হৃদিমাঝে জাগা রে ।
 পাই যেন পুনরায় পূজিতে সে রাঙা পার
 জগৎ মধুর করি তারি নাম শুনা রে ॥”

ভঙ্গপদীপয়ার ।

নারদের গানে শিব শঙ্কর মোহিল ।
 বিদীর্ণ রসাতলে পদতল পশিল ॥
 ধীরে বিপুল দেহ ক্রমে বাঢ়ে সঘনে ।
 ধূর্জটি-জটাজূট পুন্ড্র ছুটে গগনে ॥
 চণ্ড প্রকৃতি-লীলা মিলাইল চকিতে ।
 অশ্বরে বারু মেঘ ছড়াইল ত্বরিতে ॥
 উজ্জল দিনমণি পুন্ড্র পেয়ে কিরণে ।
 দেখা দিল সুন্দর জগতের নয়নে ॥
 পুন্ড্র সে দ্বাদশ রাশি নিজ নিজ আলয়ে ।
 মনোহর বেশ ধরে জগতের উদয়ে !
 ধীরে মলয় বায়ু প্রবাহিল স্বননে ।
 ধরণী ধলিল শোভা মহান্ত বদনে ॥
 কুঞ্জ ফুটিল লতা তরুকুল হরষে ।
 ছুটিতে লাগিল পুন্ড্র স্রোতধারা তরসে ॥
 পতঙ্গ কীট পশু পুন্ড্র পেয়ে চেতনে ।
 গুঞ্জিল চিত্তমুখে প্রকটিত জীবনে ॥

মিলাইল দশ রূপ, উমারূপ ধরিল ।
 হরগৌরী রূপে সতী হিমালয়ে উদিল ॥
 হাসিল কৈলাসপুরী উমা হেরি নয়নে ।
 কেশরী বৃষভ ছুটি লুটাইল চরণে ॥
 'বববম্, বববম্,' স্বনি শিব ধরিল ।
 মহাঋষি পুলকিত শিবশিবা পূজিল ॥



Printed by I. C. Bose & Co., Stanhope Press, 249,
 Bow-Bazar Street. Calcutta.

